

Arbed safleoedd treftadaeth mewn perygl diolch i gefnogaeth y Loteri Genedlaethol

10/11/2022



Pyllau Cleveland, Caerfaddon. Credyd: Archif Historic England

Wrth i Historic England ryddhau'r Gofrestr Treftadaeth mewn Perygl diweddaraf, rydym yn ystyried sut mae arian y Loteri Genedlaethol wedi helpu i achub rhai o'r safleoedd hanesyddol.

Mae [Cofrestr Risg Historic England](#) yn rhoi cipolwg blynyddol ar safleoedd treftadaeth mwyaf gwerthfawr Lloegr sydd mewn perygl o gael eu colli o ganlyniad i esgeulustod, pydredd neu ddatblygiad amhriodol. Mae 175 o safleoedd wedi'u hychwanegu at y Gofrestr eleni.

Ond nid yw'n newyddion drwg i gyd gan fod y Gofrestr hefyd yn tynnu sylw at y safleoedd hanesyddol sydd wedi eu hachub diolch i ymyrraeth cymunedau lleol, elusennau, perchnogion a chynghorau. Yn 2022, mae 233 o enghreifftiau rhyfeddol sydd wedi'u tynnu oddi ar y gofrestr.

Mae mor galonogol gweld cymaint o safleoedd treftadaeth sylweddol yn cael eu tynnu o'r Gofrestr Treftadaeth mewn Perygl.

Eilish McGuinness, Prif Weithredwr Cronfa Treftadaeth y Loteri Genedlaethol

Cymorth gan y Loteri Genedlaethol

Mae nifer o'r safleoedd sydd wedi eu hachub wedi derbyn cefnogaeth hollbwysig gennym.

Dyweddodd Eilish McGuinness, Prif Weithredwr Cronfa Treftadaeth y Loteri Genedlaethol: "Mae mor galonogol gweld cymaint o safleoedd treftadaeth arwyddocaol yn cael eu tynnu o'r Gofrestr Treftadaeth mewn Perygl, ac yn cael bywyd newydd fel rhan o'u cymunedau a'u lleoedd lleol.

"Mae gwarchod ac arbed treftadaeth mewn perygl i'r genhedlaeth nesaf ei fwynhau yn greiddiol i'n pwrpas, ac rydym yn hynod falch bod y Gronfa Treftadaeth wedi gallu cefnogi'r gwaith i wneud y newyddion gwyh hwn yn bosibl."

Pyllau Cleveland, Caerfaddon

Fe lwyddodd prosiect cadwraeth gwerth miliynau o bunnoedd i achub lido hynaf Prydain i gwblhau'n llwyddiannus eleni. Ym mis Medi cafodd nofwyr eu croesawu yn ôl i Byllau Cleveland am y tro cyntaf mewn 40 mlynedd.

Diolch i'r gwaith cadwraeth medrus a gosod system wresogi d'r cynaliadwy newydd dan arweiniad Cleveland Pools Trust, gellir mwynhau'r lido am genedlaethau lawer i ddod.

Mur Hadrian – Steel Rigg, Northumberland, a Phorth Carlisle, Cumbria

Mae 2022 yn nodi 1900 mlynedd ers Mur Hadrian – y system enfawr a chymhleth o amddiffynfeydd ar gyfer ymyl ogleddol yr Ymerodraeth Rufeinig.

Er bod y rhan fwyaf o'r Wal mewn cyflwr da dyw'r 170 o henebion cofrestredig sy'n rhan o'r safle ddim bob amser wedi aros cystal.

Mae'r henebion cofrestredig yn Port Carlisle yn Cumbria a Steel Rigg yn Northumberland wedi'u diogelu trwy waith cadwraeth, diolch i gydweithrediad rhwng Historic England a Phrosiect Archaeoleg Gymunedol Wal Hadrian (WallCAP) ym Mhrifysgol Newcastle.



Dr Jane Harrison o Brifysgol Newcastle a phrosiect WallCAP yn Mur Hadrian, Steel Rigg, Northumberland. Credyd: Archif Historic England

Eglwys y Seintiau Peter, Paul a St Philomena, New Brighton, Cilgwri

Adeiladwyd yr eglwys ym 1933, ac mae'n nodwedd amlwg o wybren Cilgwri. Mae ei gromen werdd unigryw wedi cael ei adnabod fel 'The Dome of Home' ers canol yr 20g pan fyddai morwyr yn sbïo'r to o Afon Merswy wrth iddynt agosáu at adref. Mae'r eglwys yn un o'r adeiladau Art Deco eiconig olaf i oroesi'r ailddatblygiad yn New Brighton.



Cromen sydd newydd ei hadnewyddu yn Eglwys y Seintiau Pedr a Paul a Sant Philomena. Credyd: Archif Historic England

Coventry Charterhouse

Yn un o ddim ond naw mynachlog Carthusiaidd yn Lloegr, mae'r Charterhouse yn un o adeiladau canoloesol gorau Coventry.

Yn ddiweddarach rhoddwyd yr adeilad rhestredig Gradd I o'r 14eg ganrif i bobl Coventry. Mae bellach yn mynd trwy brosiect adfer mawr i'w drawsnewid yn atyniad treftadaeth fel rhan o Ddinas Diwylliant y DU 2021.



Charterhouse, Coventry. Credyd: Archif Historic England

Ein cefnogaeth i adeiladau a henebion hanesyddol

Diolch i chwaraewyr y Loteri Genedlaethol, ers 1994 mae dros £3biliwn wedi'i ddyfarnu i fwy na 9,000 o [prosiectau adeiladu a heneb hanesyddol](#) ledled y DU. Yn ogystal â mannau diogelu ar gyfer cenedlaethau'r dyfodol, mae'r prosiectau hyn yn cefnogi cyflogaeth a thwf economaidd ac yn gallu meithrin ymdeimlad o lesiant yn y gymuned leol.

Efallai y bydd gennych chi ddiddordeb hefyd mewn ...

Newyddion

Cathedrals: bringing the UK's ancient monuments to life

How National Lottery funding is revitalising visitors' experiences of cathedrals – inside, outside and online.

04/07/2022

Calverley Old Hall in Leeds

Newyddion

Restoration for Yorkshire medieval manor house and its Tudor treasures

Calverley Old Hall in Leeds, the site of once-hidden wall paintings, will undergo ambitious restoration thanks to £1.6million of National Lottery funding.

19/05/2022

The Camellia House at Wentworth Woodhouse

Newyddion

Camellia House at Wentworth Woodhouse to bloom again thanks to £4million

The Grade II* listed Camellia House will be restored to its former glory and transformed into a global tea house.

26/05/2022